

Materia pa examen di Papiamento VWO Aruba



LANDSEXAMEN

E documento aki ta contene e materia pa examen di Papiamento pa Vwo, compila pa grupo di examen Papiamento Vwo Aruba.

	Parti	Contenido	
1	Strategia di lesamento (pagina 9 & 10)	<ol style="list-style-type: none"> 1. Lesamento orientativo 2. Lesamento global 3. Lesamento intensivo 4. Lesamento critico 	
2	Meta comunicativo di texto (pagina 15 & 16)	<ol style="list-style-type: none"> 1. Informa 2. Persuadi 3. Instrui 4. Apela 5. Recrea 	
3	Informacion (pagina 66)	Alinea Frase nucleo, Luga di frase nucleo Texto instructivo	
4	Palabra di señal/ relacion entre alinea (pagina 72)		
5	Argumentacion 1 (pagina 31)	Ta distingui dos sorto di declaracion:	
		Argumentabel	No argumentabel
		Opinion, punto di bista, ponencia	afirmacion
6	Argumentacion 2 (Pagina 37)	Argumento obhetivo y subhetivo	
7	Argumentacion 3 (pagina 47)	Tres tipo di argumento obhetivo: Hecho. Autoridad, experiencia	
8	Argumentacion 4 & 5 (pagina 52 & 88)	Shete tipo argumentacion subhetivo: Ehempel, comparacion, emocion, moralidad, proverbio, dilema, regla cu aceptacion general	
9	Argumentacion 6 & 7 (pagina 94 & 103)	Structura di rasonamento: Rasonamento logico/ ilogico	
10	Argumentacion 8 (pagina 112)	Ta distingui dos tipo principal di argumentacion: <ol style="list-style-type: none"> 1. Anticipa pa un palabra di señal cu ta establece un relacion causal 2. Anticipa pa un palabra di señal cu ta establece un relacion conclusivo 	
11	Argumentacion 9 (pagina 149-150)	Argumentacion simpel y componi	
12	Argumentacion 10 & 11 (Pagina 156 & 162)	Argumentacion coordina y subordina	
13	Argumentacion 12 (Pagina 167)	Argumento y contra argumento	

14	Argumentacion 13 & 14 (pagina 211 & 217)	Argumento solido y argumento fofo
15	Argumentacion 15 & 16 (pagina 226 & 234)	Atake personal, siguiendo di coriente general, generalisacion, menasa, evasion di responsabilidad di suministra prueba, rasonamento den circulo, relacion di causa efecto incorrecto, apelacion na autoridad robes, comparacion falso of incorrecto
Buki Cristal: 5/6		
16	Argumentacion 1 (Pagina 10)	Sofisma 1: Trocamiento di punto di bista Sofisma 2: Uzo di echo na luga di opinion
17	Argumentacion 2 (pagina 15)	Sofisma 3: Sofisma cu e estructura: <i>- si...anto/ e ora ey...</i> Sofisma 4: <i>-dilema incorrecto</i>
18	Argumentacion 3 (Pagina 30 & 31)	Sofisma 5: Manipulacion Sofisma 6: Defensa di algo pa cua no tin defensa
19	Argumentacion 4 (pagina 34 & 35)	Sofisma 7: Pregunta retorico Sofisma 8: Forma di contenido

1. Strategia di lesamento

a. Lesamento orientativo	Haya impresion di e texto
b. Lesamento global	Saca e puntonan esencial di e texto
c. Lesamento intensivo	Compronde e texto completamente
d. Lesamento critico	Evalua e texto y por duna opinion tocante esaki

2. Meta comunicativo di texto

Meta comunicativo	Punto di salida	Tipo di texto	Forma di texto
1. Informa	Echo	Informativo	<i>Noticia, relato, carta</i>
2. Persuadi	Opinion	Persuasivo	<i>Texto argumentativo, Contemplativo, carta formal, reseña</i>
3. Instrui	Echo	Instructivo	<i>Receta, texto di instruccion</i>
4. Apela	Opinion	Apelativo	<i>Propaganda, pamfleta, carta formal, reseña, foyeto, afiche, poster</i>
5. Recrea	Imaginacion	Recreativo	<i>Cuenta, novela, poema, texto teatral</i>

3. Informacion

Alinea	Particion den un texto
Frase nucleo	Frase principal den un texto/ alinea
Luga di frase nucleo	Luga di e frase nucleo den e alinea / texto
Elaboracion	Elaboracion di e topico
Pensamento principal	Kico ta e pensamento principal di un alinea/texto

Particion di texto

<p>Particion di texto/ sorto di texto</p>	<p>*Particion di texto: introduccion, nucleo, clausura *Meta di introduccion/ clausura</p>	<p>-Introduccion: prome parti di e texto cu ta introduci e topico. E ta lanta interes di e lesado, formula idea principal, haci pregunta principal, indica structura di e texto, splica e motibo. -Nucleo: e parti mas importante, cu ta contene tur informacion y ta parti den e secuencia: afirmacion → splicacion → ehempel -Clausura: e clausura ta e ultimo parti di e texto, cu ta sea: un resumen, conclusion recomendacion.</p>
	<p>*Titulo, dos tipo di subtítulo</p>	<p>Palabra of frase cu ta introduci topico, tema, asunto di un texto, obra literario, pelicula etc. Den un forma cla e titulo ta anuncia e contenido di e texto.</p> <p>Subtítulo di un texto: Lugar di e subtítulo ta bou di e titulo. E ta aclarea, splica, duna informacion di e titulo.</p> <p>Subtítulo den texto: Lugar di e subtítulo aki ta net riba e prome alinea cu ta anuncia un tema.</p>
	<p>monologo dialogo polilogo</p>	<p>-un solo persona na palabra -Intercambio di informacion entre dos persona -intercambio di informacion entre mas cu dos persona</p>

4. Palabra di señal (signaalwoorden)

Relacion den tempo	palabra di conhuncion	ehempel di uzo
1. temporal	ora, mientras, prome (cu),tanten despues (di), mientrastanto, apenas ... cu, durante ...na mesun tempo, tur esten	Mientras e director tabata papia, TeleAruba tabata filma
2.enumerativo	y, ademias, tambe, of, cu,tanto ... como, banda di esey,no solamente ... pero tambe,prome ... di dos ..., un otro, alabes, ta bin acerca, ...prome, despues	Bo por siña e idioma, como tambe e cultura di un pais nobo.
3. comparativo	mescos, manera, compara cu	Compara cu aña pasa, tin mas graduado e aña aki.
4. di contraste	pero, en cambio, aunke, toch, di un banda, no obstante, maske,al contrario, contrario na,na luga di, sinembargo, ...	Mi no ta contra bo, al contrario, mi ta apoya bo decision.
5. consecuencia	P'esey, pa cua motibo, pa tal motibo, di manera cu, di moda cu , pa motibo di, door di, danki na, como consecuencia di,	Danki na e awacero di ultimo tempo tur mata ta berde atrobe.
6. splicativo	Esey kiermen, cu otro palabra, por ehempel, como ilustracion, o sea cu, esta	Bo sa cu el a bisa si, cu otro palabra, boso por dal bay numa!
7.causal	Door cu, como cu, comokiera cu, pasobra, pa motibo cu	Door cu mi no a haya invitacion, mi no a bay.
8. conclusivo	Pues, concluyendo, kiermen cu, anto, ta nifica cu	E muchanan ta malo, pues nos no ta Sali cu nan.
9. resumen	Pa conclui, resumiendo, pa resumi, pues, en breve	Pa conclui, loke e kiermen ta cu e studiantanen mester djis siña.
10. Condicional	Si, bou di condicion cu, basta cu, contal cu, a menos cu	Bo por bay, bou condicion cu no ta yega bek prome cu 12or.

5. Argumentacion 1

Ta distingui dos sorto di declaracion:	
Argumentabel	No argumentabel
Opinion, punto di bista, ponencia	afirmacion
<i>Ehempel:</i> <i>Rufo ta un homber sabi</i>	<i>Rufo ta un homber pelon</i>

6. Argumentacion 2

Ta distingui dos grupo principal di argumento:

Argumento obhetivo	Argumentonan basa riba echo, estudio, investigacion, realidad. Tin prueba cu por sostene/ pa verifica.
Argumento subhetivo	Argumento a base di opinion, punto di bista, creencia. No tin prueba pa sostene of pa verifica.

7. Argumentacion 3 (obhetivo)

Ta distingui tres tipo di argumento obhetivo:

Echo	Argumento verificabel Eh: Ta necesario pa tur hende sigui un dieta balansa y saludabel. <i>59% di e casonan di fayecimento ta ocasiona pa un dieta mal ekilibra.</i>
Autoridad	Argumento di un persona cu tin cierto autoridad y conocimiento. Eh: E problematica di hamber na Venezuela ta un caso serio. <i>Segun Organizacion Mundial di Salud, cada 24 ora un mucha ta muri pa motibo di desnutricion.</i>
Experencia	Argumento di un persona cu a pasa door di un experencia su mes. Tambe ta yam'e argumento empirico. Eh: Mi ta hopi satisfecho cu e trato cu mi ta haya como abonado di SETAR <i>Como ex cliente di Digicel nunca mi a haya un contract asina combiniente pa mi como un pensionado.</i>

8. Argumentacion 4 & 5 (subhetivo)

Ta distingui shete tipo di argumentacion subhetivo:

Ehempel	<p>Ta uza un ehempel di algo otro pa sostene e ponencia.</p> <p><i>Eh: Abo mester bisti peluca!</i></p> <p><i>Ami mes mester a bisti peluca ora mi cabey tabata cay hopi.</i></p>
Comparacion	<p>Ta compara cu otro cos/asunto/persona pa sostene e ponencia</p> <p><i>Eh. Abo mester bisti peluca!</i></p> <p><i>Hasta e minister ta bisti peluca!</i></p> <p>Eh: Sin duda e polis ta culpabel di a mata e detenido.</p> <p><i>Tempo cu e no tabata carga arma ya el a bay cera pa esey, corda awo cu e mes ta den posicion legal di arma.</i></p>
Emocion	<p>Ta uza emocion propio pa sostene ponencia.</p> <p><i>Eh. Abo mester bisti peluca !</i></p> <p><i>Ami a yora ora mi cabey a cay y mi no por a wak mi mes den spiel.</i></p> <p>Eh. Miho laga otro persona stuur bo auto ya cu bota bebi.</p> <p><i>Nos tur sa con dolor ta pa perde un ser keru pa motibo di exceso di alcohol.</i></p>
Moralidad	<p>Ta uza moralidad (di religion, creencia, filosofia di bida) pa sostene ponencia.</p> <p><i>Eh. Abo mester bisti peluca!</i></p> <p><i>Niun hende no kier wak un hende cu cabey mahos asina band'i nan.</i></p> <p>Eh: Respeta casa di otro, pa otro respeta di bo!</p> <p><i>Un muhe decente no ta sali cu homber casa como su pareha.</i></p>
Proverbio	<p>Ta considera proverbio, dicho, refran, expresion como parti di argumento di proverbio.</p> <p>“Miho laat cu nunca”</p> <p>“Bos di burico no t ayega shelo”</p>
Dilema	<p>Eh. “Si duna menos tarea pa cas, muchanan lo tin mas tempo pa siña pa CP”</p> <p><i>Sea ta duna menos tarea pa cas, of mester hala e fecha di CP y duna e alumno mas dia pa siña.</i></p>
Regla cu aceptacion general	<p>Eh. “ Bo no por bay entiero bisti na cora”.</p> <p><i>“Esey no ta color di luto.”</i></p>

9. Argumentacion 6 & 7 (estructura di argumentacion)

Rasonamento logico A	Rasonamento segun logica Ponencia: Tur cacho ta blaf Percepcion: e bestia ey ta un cacho Conclusion: e por blaf
Rasonamento logico B	Rasonamento segun ilogica Ponencia: tur mucha cu studia duro ta gradua Observacion: Justin ta studia duro Conclusion: Justin lo gradua

10. Argumentacion 8

Ta distingui dos tipo principal di argumentacion:

1. Anticipa pa un palabra di señal cu ta establece un relacion causal	Palabra di señal generalmente uza ta: pa motibo cu/ pasobra Ehempel: mi no a gradua, pasobra mi no a studia duro.
2. Anticipa pa un palabra di señal cu ta establece un relacion conclusivo	Palabra di señal generalmente uza ta: door cu, como cu, comokiera cu , pues... Ehempel: Mi no a studia. Mi a spjibel bastante. Pues p'esey mi resultadonan no ta bon.

11. Argumentacion 9

Argumentacion simpel y argumentacion componi

Argumentacion simpel	Argumentacion componi
Aurora ta bay dokter na Bogota, <i>pasobra</i> e no por haya cita cu un specialista na Aruba.	Aurora ta bay dokter na Bogota, <i>pasobra</i> e no por haya cita cu un specialista na Aruba, e ta sinti su mes cada dia mas malo y e tin famia na Bogota.
<i>Door cu</i> Aurora no por haya cita cu specialista na Aruba, e ta bay dokter na Bogota.	<i>Como cu</i> e no por haya cita cu un specialista na Aruba, e ta sinti su mes cada dia mas malo y e tin famia na Bogota, Aurora ta bay dokter na Bogota

12. Argumentacion 10 & 11

Argumentacion coordina	Argumento subordina
→ E argumentonan ta ekivalente y casi semper tin relacion enumerativo	→ Ta consisti di argumento principal y subargumento.
Ehempel: Louie no kier hunga baseball mas, pasobra 1. E trainingnan ta duro (y) 2. Su brasa ta haci dolor (ademas) 3. E coach nobo ta bruto.	Ehempel: Louie no kier hunga baseball mas, pasobra 1. E trainingnan ta duro A. E training ta di 3or di atardi pa 6or di atardi. B. Solo ta kima den e oranan ey. C. Nan ta haya 20 minuut so di pause.


13. Argumentacion 12

Argumento y contra argumento


Ponencia: Mester bin un solucion pa e problema grandi di adiccion, Argumento e ta causa hopi criminalidad,	contra argumento pero no tin atencion pa prevencion di adiccion.
Ponencia: Mi kier studia medicina, pasobra Argumento Mi ta bon den Biologie	contra argumento di otro banda mi no ta bon den Wiskunde B.

Skema


Sorto di argumentacion:



Structura di argumentacion



Tipo di argumentacion



14.Argumentacion 13 & 14

Sofisma

Argumento solido	Argumento fofu
Vincent no por bay den parada, pasobra e mester ta presente na e entiero di su tata.	Vincent por bay den parada, pasobra ta hende muhe so ta tene luto.

15.Argumentacion 15 & 16

Evaluacion di argumento y argumentacion

Argumento incorrecto (sofisma)	Ehempel
Atake personal	Bo ta defende e echo cu el a horta, pasobra bo mes ta un ladron!
Siguimento di coriente general	Mi ta kere marihuana ta bon, pasobra tur hende ta bisa asina.
Generalisacion	Tur mucha sa coy bals den supermercado.
Menasa	Bo ta entrega bo mes, sino mi mes ta denuncia bo.
Evasion di e responsabilidad pa suministra prueba	Maduro ta acusa Merca di comete atake cibernetico sin presenta prueba.
Rasonamento den circulo	1.Ta un mucha muhe so por bisa esey. (dicon?) 2. Pasobra e ta muhe.(dicon?) 3. Muhenan ta pensa asina (dicon?) 4. Muhe ta mas debil cu homber.
Relacion di causa- efecto incorrecto	BBO a subi, dimes bida ta bira mas caro. Mester paga mas belasting.
Apelacion na autoridad robes	Awa ta bay yobe sigur. Speed mes a bisa asina.
Comparacion falso y incorrecto	E muchanan di CB1 ta contento cu nan a cuminsa scol. Dicon boso di Vwo6 no por ta mesun contento cu nan?

16. Argumentacion 1

Argumento incorrecto (sofisma)	Ehempel
1.Trocemento di punto di bista	Muito obrigado! Kiermen bo por papia Portugues bon anto?
2.Uzo di echo na luga di opinion	Ta un echo cu Aruba a bira hopi caro.

17. Argumentacion 2

Argumento incorrecto (sofisma)	Ehempel
3.Sofisma cu e structura si...anto / e ora ey...	Si ta lotto bo kier gana, anto ta tur dia bo mester cumpr'e.
4.Dilema incorrecto	Sea bo ta bay cu mi of bo ta perde

18. Argumentacion 3

Argumento incorrecto (sofisma)	Ehempel
5.Manipulacion	Ami no a ofende bo, ta abo a compronde robes.
6.Defensa di algo pa cua no tin defensa	Setar su tarifanan a subi ultimamente. Mi no ta worry, mi no tin celular mas tog.

19. Argumentacion 4

Argumento incorrecto (sofisma)	Ehempel
7.Pregunta retorico	Bo tin cu siña pa examen. Bo kier slaag tog?
8.Forma di contenido	Si bo no ta gusta, djis bisa. No trek e cara ey!